

ՄԱՐԴԱԾԻՆ ՌԻՍԿԵՐԻ ԱՌԱՋԱՑՄԱՆ ՆԱԽԱԴՐՅԱԼՆԵՐԸ

ԵՎ ԲՆՈՒՅՅԹԸ ԼՂԴ-ՈՒՄ

Անակիտ ԳՐԻԳՈՐՅԱՆ

Բանալի բաներ՝ Գեղիամակարք, մարդածին, ազրոծին, տեխնածին, բնածին, բնատեխնածին, էրոզիս, սիկրուսիսիրկ, լանդշափտ, լեյինք:

Ключевые слова - Геосистема, антропогенный, агрогенный, техногенный, естественный, эрозия, естественно-техногенный, микросейсмический, ландшафт, рельеф.

Keywords: Geosystem, anthropogenous, agrogene, technogenic, natural, erosion, natural technogenic, microseismic, landscape, relieve.

Ա. Գրիգորյան

Պредпосылки антропогенных рисков в НКР и их сущность

В статье представлены предпосылки антропогенных рисков в НКР, выделены агрогенные и техногенные риски, изучены их вредоносные свойства. Выявлены ожидаемые факторы естественных и биогенных рисков, их изменчивая сущность, различены формы их отрицательного выражения. Антропогенные риски разделены на две группы – постоянные и временные. После освобождения Арцаха, особенно развились временные риски, связанные со строительными работами. Сохранение экологического баланса геосистемы имеет решающее значение для нашей республики.

A. Grigoryan

The Prerequisites of Anthropogenous Risks of the NKR and Their Essence

The article presents the prerequisites of anthropogenous risks in the NKR, agrogene and technological risks are allocated, their harmful properties are studied. Expected factors of natural and biogenous risks, their changeable essence are revealed, forms of their negative manifestation are distinguished. The anthropogenous risks fall into two groups – constant and temporary. After the liberation of Artsakh, temporary risks, connected with construction work, especially developed. Preservation of ecological balance of the geosystem is crucial for our republic.

Հոդվածում ներկայացված են ԼՂԴ մարդածին ռիսկների նախադրյալները, առանձնացված են ազրոծին և տեխնածին ռիսկները, վերլուծված է նրանց աղետաբներ բնույթը: Բացահայտված են սպասվող բնածին և կենսածին ռիսկների գործոնները, դրանց փոփոխությունները, բնույթը, տարբերակված դրանց բացասական արտահայտությունների ձևերը: Մարդածին ռիսկները բացասական ազդեցության ուղղությունները դասակարգված են ըստ հանրապետության գոտիականության: Նրանք ստորակարգված են երկու խմբի մեջ՝ մշտական և ժամանակավոր: Արցախն ազատագրելուց հետո մեծ թափ են ստացել, մանավանդ ժամանակավոր ռիսկները՝ կապված շինարարական աշխատանքների հետ: Մեր հանրապետության համար վճռական նշանակություն ունի գեղիամակարգների էկոլոգիական հավասարակշռության պահպանությունը:

?ՂՃ-ն՝ պատմական հայաստանի տասներորդ նահանգը, ինչպես ցույց են տալիս հետազոտությունները, հանդիսացել է մարդկության առաջացման օջախներից մեկը, ժամանակաշրջանը համապատասխանում է պալեոլիթին, այստեղ մարդ սկսել է զբաղվել տնտեսական գործունեությամբ: [6] Նյութական վշակույթի հնագույն մնացորդները, պատմական տեղենկություններն ու մարդածին հուշարձանները վկայում են այն մասին, որ մարդն այստեղ բավականին ակտիվ ազդել է բնական միջավայրի փոփոխությունների ընթացքի վրա: Այստեղ կառուցվել են ոռոգման համակարգներ, զարգացել է երկրագործությունը և անասնապահությունը, որոնք բնատարածքի փոփոխության վրա ազդող ազրոծին գործուներ են: Հետագայում կառուցվել են քաղաքներ, ճանապարհներ, ամրություններ, արդյունաբերական օբյեկտներ, որոնք գեղիամակարգների փոփոխության տեխնածին գործուներ են: Այս գործուներն ազդել են տարածաշրջանի ռելիեֆի սկզբնական ձևերի գարզացման վրա: Փոփոխվել են շրջակա միջավայրի մնացած բաղադրամասները, ջրային պայմանները, բուսածածկույթը, հողերը, ստեղծվել են սոցիալ-տնտեսական բազմաթիվ համակարգներ՝ իրենց ենթահամակարգերով: Այստեղ աստիճանաբար ձևավորվում են ժամանակակից բնատեխնածին գեղիամակարգները:

ԼՂՀ գեղամակարգերի ձևավորման վրա վիթխարի բացասական ազդեցություն ունեցավ նաև անցյալի թուրք-սելջուկների քոչվոր ցեղերի հարձակումները, սակայն ավելի խոշոր հարված էր նրա՝ Աղրբեջանի կազմում 70 տարի գտնվելը: Աղրբեջանը գաղութային բաղաքականություն էր փառում ԼՂՀ-ի տարածքում: Օրինակ՝ պայթեցման եղանակով շահագործում էր մարմարի և գրանիտի հանքավայրերը՝ ոչնչացնելով ներքնաշերտերը: Անխնա հատումներ էր կազմակերպում արդյունաբերական նշանակություն ունեցող հսկա անտառային զանգվածներում: Նման իրավիճակում ակտիվացնում էին ոչ միայն բնական, այլ նաև մարդածին բազմաթիվ պրոցեսներ և երևույթներ, որոնք խալսում էին բնատեխնածին գեղամակարգերի գարգացումը: Վերջին ժամանակաշրջանում իրենց զգալ են տվել արտադրողական ուժերի գարգացումը և բնակչության արագ աճը: Այս տեսակենտիզ լեռնային գեղամակարգերում մարդ-բնություն, հասարակություն-բնություն փոխհարաբերությունները նոր դրսերումներ են ստանում, հանրապետության լեռնային գեղամակարգերը բարդանում են նաև սոցիալ-տնտեսական որոշ համակարգերով՝ իրենց բազմաթիվ առանձնահատկություններով, չլուսաբանված հիմնախնդիրներով: Դրանք պայմանավորված են մի կողմից ռելիեֆով և ռելիեֆաստեղծ բնածին գործոններով, մյուս կողմից՝ մարդածին բացասական պրոցեսներով, որոնք իրենց հերթին կապված են ներհամակարգային, տնտեսական, մշակութային, պատմական և մի քանի այլ բնագավառների գարգացման ու փոփոխությունների հետ:

Բնական ռեսուրսների օգտագործումը մարդու կողմից անհետևանք չի մնում: Այժմ ԼՂՀ-ում, մանավանդ լեռնահանքային արդյունաբերության գարգացումն ազդում է լեռնային գեղամակարգերի բնականուն գարգացման վրա:

Կենսածին սպասվող դիսկեր ստեղծող գործոնները, ի տարբերություն բնական գործոնի, ի հայտ են գալիս ավելի հստակ, առանձնակի տնտեսացումներով: Հաշվի առնելով դրանց կողմից փոփոխությունների բնույթը, ներքին առանձնահատկությունները՝ դրանք ԼՂՀ-ում կարելի է խմբավորել հետևյալ հիմնական տիպերում:

1. Երկրագործության և անասնապահության գարգացումը՝ որպես ռելիեֆաստեղծ գործոն:
2. Հողաբարելավման և հողօգտագործման առանձնահատկություններ:
3. Շինարարական և լեռնահանքային արդյունաբերության հետ կապված փոփոխություններ: [3]

Այդ գործոնները կամ արագացնում են արտածին պրոցեսների ընթացքը կամ դանդաղեցնում:

Հանրապետության առանձին տարածքների վրա մարդածին բացասական ազդեցությունն արտահայտվում է հետևյալ հիմնական ուղղություններով.

1. Դաշտային, նախալեռնային, միջին լեռնային գոտիներում խոնավության պայմանների ջրային ռեժիմի փոփոխությամբ:

2. Շինարարական աշխատանքների հետ կապված ծանրահակ բնական հավասարակշռության արհետական խախտումով:

3. Կառուցապատված տարածքների միկրոսեյսմիկ պայմանների փոփոխություններով, որոնք պայմանավորված են այդ տարածքների վրա արտադրական օբյեկտների ինչպես կառուցապատվածների, այնպես էլ դրանց հետագա շահագործման հետ:

Վերոհիշյալ երեք խմբերը կապված են մարդածին երկու խումբ գործոնների հետ.

1. Ազրոծին՝ կապված տարածքների գյուղատնտեսական յուրացման հետ:

2. Տեխնածին՝ կապված մարդու տեխնիկական և շինարարական գործունեության հետ:

Երկու դեպքերում էլ մարդու գործունեության միջավայրը տարածքն է՝ ֆիզիկաաշխարհագրական պայմաններով և մակերևույթի ժամանակակից կառուցվածքով: Տարբեր գեղամակարգերում դրանց ազդեցությունը նույնը չի, այսինքն՝ նրանք նույն բարձրություններում չեն և ունեն տարբեր կլիմայական պայմաններ: Ակնհայտ են լեռնային տարածքների տնտեսական յուրացումից առաջ և հետո սպասվող դիսկեր բնույթը, տարածական աշխարհագրական նախադրյալները, դրանց ձևերի, հզորությունների գարգացման միտումների գնահատումն ու կանխատեսումը:

Մարդածին դիսկեր լեռնային բնատեխնածին գեղամակարգերում արտահայտվում են տարբեր բնույթով, տևողությամբ՝ հանգեցնելով տարածաշրջանի առանձին մասերի բանակական և որա-

Կական փոփոխությունների, խթաննելով գենիհամակարգի էկոլոգիական լարվածությունը: Լեռնային գենիհամակարգերում մշակովի հողատարածքների ոռոգումը, արտասահման անասնապահությունը նպաստում են հողի էրոզիային: Հողերի էրոզիայի զարգացմանն ու ակտիվացմանը նպաստում է նաև անասնական արածեցման ոչ ճիշտ կազմակերպումը: ԼՂՀ արտավայրերի ընդհանուր մակերնար կազմում է 70.5 հազ. հեկտար: [9]

Հանրապետության տարածքի մի մասն անտառապատ լինելու շնորհիվ որպես արտավայր չի օգտագործվում, մնացած մասն օգտագործվում է որպես ամառային և ձմեռային արտավայրեր: Ընդ որում՝ անտառապատ է Մարտակերտի շրջանի 54 %-ը, Ասկերանի շրջանի 24 %-ը, Հաղորդի շրջանի 14 %-ը: Իսկ արածեցում կատարվում է ինացիոնալ, տարերային կերպով, հիմնականում հաշվի է առնվազագույն արտավայրերի կլիմայական պայմանները, պետք է հաշվի առնվի բույսերի վեգետացիոն պրոցեսների փոփոխությունն ըստ բարձրության և ըստ ֆենոֆազաների: Արդյունքում չի ապահովվում այդ բույսերի բնական աճը և վերականգնումը: Նվազում է արտաների արդյունավետությունը, որը պատճառ է դառնում մակերևույթի լվացման և մակերևույթային էրոզիայի: Հաշվարկները ցույց են տալիս, որ հանրապետությունում մեկ ոչխարին հասնում է 1.6 հա արտավայր:

ԼՂՀ ազրոծին դիմումի բնութագրման համար անհրաժեշտ է նաև նկատի ունենալ բնակչության խտությունը: Այս առումով ավելի խիստ են բնակեցված Մարտունու (23.0 մարդ/կմ²), Մարտակերտի (19.5 մարդ/կմ²), Ասկերանի (17.0 մարդ/կմ²), Հաղորդի (11.8 մարդ/կմ²) շրջանները: [1] ԼՂՀ ազրոծին դիմումի նախադրյալների հետազոտությունը կարելի է իրականացնել հետևյալ կերպ:

1. Անալիտիկ քարտեզագրմամբ:

2. Համապատասխան հանդակների վրա ազրութակերի բնույթի բացահայտմամբ:

Հետազոտության ընթացքում ուսումնասիրվել են հետևյալ բնագավառներ՝ խաղողի տնկարկները, խոտհարքները, արտավայրերը, անտառները, թփուտները, կառուցապատճառ ու անօգտագործելի տարածքները: Այնուհետև հետազոտվել են զյուղատնտեսական գործունեության հետևանքով առաջացող ազրոծին բացասական պրոցեսներ և երևույթներ՝ որպես համապատասխան դիմումի նախադրյալներ: Այստեղ առանձնացվել են.

1. Ինտենսիվ ինքացիոն էրոզիա թույլ թերություն ունեցող տարածքների ոռոգման հետևանքով:

2. Ինտենսիվ էրոզիա միջին թերության լանջերի վրա արհեստական տնկարկների մշակման և ոռոգման նպատակով:

3. Էրոզիա միջին և թույլ թերության վարելահողերի սխատեմատիկ և չկարգավորված ոռոգման հետևանքով:

4. Էրոզիա արտավայրերի վրա անասունների տեղաշարժերի և չկարգավորված արածեցման պատճառով:

5. Տարածքներ, որտեղ չեն զգացվում մարդածին գործուների ազրեցությունները դրանց ժամանակակից զարգացման վրա: [7]

ԼՂՀ-ի տնտեսության համար վճռական դեր խաղացող արտադրական կարողությունների ընդլայնման, բնակչության աճի հետևանքով ստեղծվել են մի շարք ինժեներատեխնիկական կառուցման կամացական միջավայրի բաղադրամասերի, հատկապես ռելիեֆի, մշանուրտի, ջրային օբյեկտների լանշարժատների վրա: Մասնավորապես ԼՂՀ Մարտակերտի շրջանում հանքարդյունաբերության զարգացման հետևանքով այդ գործոնը ավելի ակնհայտ է, փոխվել են նաև ռելիեֆի միկրոձևերը, գրունտները, այստեղ ընթացող բնական մի շարք պրոցեսների բնականոն ընթացքն ու հավասարակշռությունը: Հանրապետության հանքավայրերի բաց շահագործումը ակնհայտ է դարձնում գենիհամակարգի միկրոսեմիկ լարվածությունը, առաջացնում է բացասական այնպիսի պրոցեսներ ու երևույթներ, ինչպիսիք են տարբեր չափերի խանդակները, սողանքները, փլվածքները, ճահճացումը, սուֆոզիան և բազում այլ բացասական երևույթներ: Այս տեսակետից ակնհայտ են Հաղորդի գրանիտի, Հարավի մարմարի և հանրապետության կրաքարի հանքավայրերը:

Տեխնածին գործոնների մասնակցությունը բնական միջավայրի բնականու զարգացման ընթացքին խիստ տարբերվում է բնական գործոնների ունեցած ազդեցություններից: Տարբեր են ժամանակի և տարածության մեջ դրանց բացասական արտահայտությունների ձևերը, չափման միավորները, հետևաբար՝ դրանց կողմից հարուցվող ռիսկների «վարքը» և կանխատեսման հնարավորությունները:

Ի տարբերություն ազդողին ռիսկների՝ տեխնոլոգին ռիսկները ավելի արագ են հարմարվում տարածքի տեղական կառուցվածքին ու դրանց առանձնահատկություններին: Նրանք կարելի են խմբավորել հետևյալ հիմնական ուղղությունների մեջ:

1. Լանջների հավասարակշռության խախտման,
2. Միկրոսեյսմիկ լարվածության ավելացման,
3. Էկոլոգիական հավասարակշռության խախտման:

Այս կարգի ռիսկները կարող են կրել ինչպես մշտական, այնպես էլ ժամանակավոր բնույթ: Իսկ ազդեցության բնույթը կախված է տվյալ տարածքի օգտագործման նպատակից և տևողությունից, այսինքն՝ թեն քանի տարվա համար է նախատեսված տվյալ հանքավայրը: Օրինակ՝ Դրմբոնի բազմամետաղների հանքավայրը արդեն սպառման եզրին է և նախատեսվում է շահագործման հանձնել այլ հանքավայրեր, արդեն շահագործվում է Ծաղկաշենի հանքավայրը:

Այսպիսով՝ ժամանակավոր մարդածին ռիսկները Արցախում մեծ թափ են ստացել վերջին երկու տասնամյակում՝ լեռնաշխարհը ազատագրելուց հետո: Նրանք հիմնականում կապված են շինարարական աշխատանքների հետ, մասնավորապես լանջների վրա: Իսկ մշտականները կապված են այդ շինարարական օբյեկտների շահագործման հետ, ինչպես, օրինակ՝ հաղորդակցության միջոցների, ջրանցքների ու ջրամբարների, արտադրական ձեռնարկությունների և այլ աշխատանքների հետ: Քիչ չեն նաև ռիսկները լեռնային գնոհամակարգների էկոլոգիական և բնապահպանական հավասարակշռության պահպանման և դրանց փոփոխությունների գնահատման համար:

Գրականություն

1. Լեռնային Ղարաբաղի Հանրապետության ատլաս, Երևան, 2009:
2. ԼՂՀ վիճակագրական տարեզիքը 2000-2005թթ., Ստենֆանակերտ, 2006:
3. ԼՂՀ սոցիալ-տնտեսական վիճակը 2000-2006 թթ., Վիճակագրական տեղեկագիր, Ստենֆանակերտ, 2006:
4. ԼՂՀ զուրականացության վիճակագրական ժողովածու, 2012-2013թթ., Ստենֆանակերտ, 2012:
5. ԼՂՀ վարչական քարտեզ, Երևան, 2005:
6. Մակար Բարխուդարյան, Արցախ, Բագու, 1895:
7. Մանասյան Մարսիմ, Հասարակական-աշխարհագրական հետազոտությունների մեթոդները, Ուսումնական ձեռնարկ, Երևան-2008:
8. 1997թ. սոցիալ-տնտեսական զարգացման ծրագիր:
9. Սերգեյ Մելքոնյան, Հայաստանի Հանրապետության և Լեռնային Ղարաբաղի հանրապետության տնտեսական և սոցիալական աշխարհագրություն, Երևան 2007:

Տնտեսություններ հետինակի մասին

Անահիտ Գրիգորյան – աշխ.գիտ.թեկ., դոցենտ, ԱրՊԿ աշխ. ամբիոնի վարիչ
E-mail: grigorjan.anahit@mail.ru

Հոդվածը տպագրության է նրաշխավորել խմբագրական կոլեգիայի անդամ, ա.գ.դ. Ա.Ռ. Ավագյանը